

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>





Pr

n no

P

anch

egn

n co

quot

nitte

os

lt r

ed

A

min

[bus

ui

1(10)

## Preces quotidianae.

in nomine Patris et Filii et Spiritus  
Sancti. Amen.

**Pater noster**, qui es in coelis:  
sanctificetur nomen tuum: adveniat  
regnum tuum; fiat voluntas tua, sicut  
in coelo, et in terra. Panem nostrum  
quotidianum da nobis hodie: et di-  
mittite nobis debita nostra, sicut et  
nos dimittimus debitoribus nostris.  
Et ne nos inducas in tentationem:  
sed libera nos a malo. Amen.

**Ave Maria**, gratia plena: Do-  
minus tecum: benedicta tu in mulier-  
ibus, et benedictus fructus ventris  
tui Jesus. Sancta Maria, Mater Dei,

ora pro nobis peccatoribus, nunc et in hora mortis nostrae. Amen.

**Credo in Deum**, Patrem omnipotentem, factorem coeli et terrae. Et in Jesum Christum, Filium ejus unicum, Dominum nostrum: qui conceptus est de Spiritu sancto, natus ex Maria Virgine; passus sub Pontio Pilato, crucifixus, mortuus et sepultus: descendit ad inferos: tertia die resurrexit a mortuis: ascendit ad coelos, sedet ad dexteram Dei Patris omnipotentis: inde venturus est judicare vivos et mortuos. Credo in Spiritum Sanctum, sanctam Ecclesiam catholicam, Sanctorum communionem, remissionem peccatorum, carnis resurrectionem, vitam aeternam. Amen.

### **Praecepta Decalogi.**

1. Non habebis deos alienos coram me.

2. Non assumes nomen Domini tui in vanum.
3. Memento, ut diem Sabbati sanctifices.
4. Honora patrem tuum et matrem tuam.
5. Non occides.
6. Non moechaberis.
7. Non furtum facies.
8. Non loqueris contra proximum tuum falsum testimonium.
9. Non concupisces uxorem proximi tui.
10. Nec omnia quae illius sunt.

### **Praecepta Ecclesiae.**

1. Statutos Ecclesiae festos dies celebrato.
2. Sacrum Missae officium diebus festis reverenter audito.
3. Indicta certis diebus jejunia, et

1\*



- a quibusdam cibis abstinentiam observato.
4. Peccata tua sacerdoti singulis annis confitetur.
  5. Sacrosanctam Eucharistiam ut minimum semel in anno, idque circa festum Paschae, sumito.

**Actus Fidei.** Firma fide credo te Deum esse, Unum in essentia, Trinum in personis; credo Filium Dei Jesum Christum incarnatum, passum pro nobis et mortuum; credo te remuneratorem bonorum et vindicem malorum; credo et profiteor quae Symbolo Apostolorum continentur, et omnia et singula, quae sancta Ecclesia Romano-Catholica mihi credenda proponit; quia tu Deus summa veritas es, qui ea revelasti.

In hac fide et pro hac fide vivere et mori volo ac statuo.

**Actus Spei.** Misericordissime Deus, spero per passionem et merita Jesu Christi hic tuam gratiam et remissionem peccatorum, post hac vitam aeternam in beatifica tui possessione; quia tu, Deus meus, omnipotens es, et infinite bonus erga nos, ac fidelis in promissis.

Dominus firmamentum meum et refugium meum, liberator meus, adiutor meus; sperabo in eum, non confundar in aeternum. Ps. 17. v. 3.

**Actus amoris.** Amo te, Deus meus, super omnia ex toto corde: amo te propter te, et proximum meum propter te, quia in te ipso es summe bonus et ipsa bonitas infinita, et ideo dignus, ut ameris ab omnibus: ament te omnes homines! Utinam ego te, Deus, plus amarem!



Vere me poenitet, quod unquam te offenderim : jam statuo servare omnia mandata tua.

**Actus doloris.** Domine Deus, doleo ex integro corde de peccatis commissis, quia per ea te, summum bonum, super omnia dilectum, offendi; detestor ea, quia tibi displicent: propono firmiter non peccare de caetero! et ex hoc momento statuo vitare et tollere occasiones omnes, causas et pericula peccatorum, potius vitam et omnia amittere quam peccatum admittere; statuo etiam peccata mea quam primum confiteri, et in satisfactionem accepto de manu tua omnia adversa, labores et onera. Cor contritum et humiliatum Deus non despicias. Ps. 50.

Indulgentiae septem annorum et septem quadragenarum, quotiescunque eosactus his vel aliis verbis recitaveris. — Indul-

gentiae plenariae semel singulis mensibus, die, quem optaverint, lucrandae ab iis, qui quotidie iis actibus per mensem recitatis, confessi et sacra communione refectioni ad consuetos Ecclesiae fines oraverint. — Indulgentiae plenariae in articulo mortis, si tum eos actus devoto et corde contrito, atque, si id fieri possit, post confessionem sacramentalem et sacram communionem recitaveris. Applicari queant animabus in Purgatorio detentis.

Benedictus XIV.

**Angelus Domini** nuntiavit Mariae.

Et concepit de Spiritu Sancto.

Ave Maria.

Ecce ancilla Domini.

Fiat mihi secundum verbum tuum.

Ave Maria.

Et Verbum caro factum est.

Et habitavit in nobis.

Ave Maria.

Ora pro nobis, sancta Dei Genitrix.

Ut digni efficiamur promissionibus

Christi.

Oremus. Gratiam tuam, quaesumus, Domine, mentibus nostris infunde; ut qui, Angelo nuntiante, Christi Filii tui incarnationem cognovimus, per passionem ejus et crucem ad resurrectionis gloriam perducamur. Per eundem Christum Dominum nostrum. Amen.

**Regina coeli**, laetare, alleluja,  
Quia quem meruisti portare, alleluja,  
Resurrexit sicut dixit, alleluja:  
Ora pro nobis Deum, alleluja.  
Gaude et laetare, Virgo Maria, alleluja.  
Quia surrexit Dominus vere, alleluja.

Oremus. Deus, qui per resurrectionem Filii tui Domini nostri Jesu Christi mundum laetificare dignatus es: praesta, quaesumus, ut per ejus Genitricem Virginem Mariam perpetuae capiamus gaudia vitae. Per eundem Christum Dominum nostrum. Amen.

Indulgentiae centum dierum, quotiescunque recitaveris. — Indulgentiae plenariae semel singulis mensibus lucrandae ab iis, qui, saltem semel singulis diebus ea oratione per mensem ad sonitum campanae recitata, confessi et sacra communione refecti, ad consuetos Ecclesiae fines oraverint. Observandum semper flexis genibus recitandum esse, excepta die Sabbati a meridie et tota die dominica. In Coena Domini et die Parassceves non recitatur. Sabbato Sancto a meridie et toto tempore Paschali (usque ad primos Vesperos Festi Sanctissimae Trinitatis) dicitur stando Regina coeli.

Pro iis, qui vesperi, ad campanae sonitum, hora una post Angelus, genuflexi devote eum Psalmum cum precibus recitaverint, indulgentiae centum dierum. — Indulgentiae plenariae semel singulis annis, die quo voluerint, lucrandae ab iis, qui, quotidie eo Psalmo sic recitato, confessi et sacra communione refecti, ad consuetos fines Ecclesiae oraverint.

**De profundis** clamavi ad te,  
Domine: Domine, exaudi vocem  
meam.

Fiant aures tuae intendentes: in  
vocem deprecationis meae.

Si iniquitates observaveris, Do-  
mine: Domine, quis sustinebit?

Quia apud te propitiatio est:  
et propter legem tuam sustinui te,  
Domine.

Sustinuit anima mea in verbo  
ejus: speravit anima mea in Domino.

A custodia matutina usque ad  
noctem: speret Israel in Domino.

Quia apud Dominum misericor-  
dia: et copiosa apud eum redemptio.

Et ipse redimet Israel; ex omni-  
bus iniquitatibus ejus.

Requiem aeternam dona eis,  
Domine.

Et lux perpetua luceat eis.

A porta inferi

Erue Domine animas eorum.

Requiescant in pace.

Amen.



Domine, exaudi orationem meam.

Et clamor meus ad te veniat.

Oremus. Fidelium, Deus, omnium conditor et redemptor, animabus famulorum famularumque tuarum remissionem cunctorum tribue peccatorum; ut indulgentiam, quam semper optaverunt, piis supplicationibus consequantur. Qui vivis et regnas cum Deo patre in unitate Spiritus sancti Deus, per omnia saecula saeculorum. Amen.

Requiem aeternam dona eis, Domine.

Et lux perpetua luceat eis.

Requiescant in pace.

Amen.

### **Rosarium.**

Integrum Rosarium quindecim constat decadibus. Hoc autem pietatis officium inchoatur ad crucem a *Credo*; ad majora grana *Pater noster*; ad minora, *Ave*

Maria; ante Orationem Dominicam dici potest: Gloria Patri et Filio et Spiritui Sancto, sicut erat in principio et nunc et semper et in saecula saeculorum. Amen. Rosarium dividitur in tres partes, quarum prima vocatur Rosarium gaudiosum, secunda dolorosum, tertia gloriosum. Ad singula minora grana quinque decadam expendi possunt totidem mysteria, insertis post nomen Jesus sequentibus verbis:

### I. Pro rosario gaudioso.

- In 1. Decade. Quem virgo concepisti.  
 In 2. „ Quem visitando Elisabeth portasti.  
 In 3. „ Quem virgo genuisti.  
 In 4. „ Quem in Templo praesentasti.  
 In 5. „ Quem in Templo invenisti.

### II. Pro rosario doloroso.

- In 1. Decade. Qui pro nobis sanguinem sudavit.

- In 2. „ Qui pro nobis flagellatus est.  
In 3. „ Qui pro nobis spinis coronatus est.  
In 4. „ Qui pro nobis crucem bajulavit.  
In 5. „ Qui pro nobis crucifixus est.

### III. Pro rosario glorioso.

- In 1. Decade. Qui resurrexit a mortuis.  
In 2. „ Qui in coelum ascendit.  
In 3. „ Qui Spiritum Sanctum misit.  
In 4. „ Qui te in coelum assumpsit.  
In 5. „ Qui te in coelis coronavit.

Indulgentiae centum dierum pro quolibet Pater et Ave, quotiescunque vel integrum Rosarium quindecim decadum,

vel saltem tertiam ejus partem recitaveris.  
— Indulgentiae plenariae semel singulis  
annis lucrandae die, quo volueris, si quo-  
tidie saltem quinque decades recitare fu-  
eris solitus, et si confessus et sacra com-  
munionem refectus pro Ecclesiae necessi-  
tatibus oraveris. Ut autem has indulgentias  
lucrari valeas, duo necessario requiruntur,  
puta, ut Rosario quo uteris, eae indulgen-  
tiae annexae sint a sacerdote eam facul-  
tatem habente; tum etiam ut ad unamquam-  
que decadem unum e quindecim mysteriis  
pie et attente consideretur eo ordine quo  
indicavimus.

Kyrie eleison. Christe eleison.  
Kyrie eleison. Christe, audi nos.  
Christe, exaudi nos.  
Pater de coelis Deus, miserere nobis.  
Fili Redemptor Deus, „ „  
Spiritus sancte Deus, „ „  
Sancta Trinitas unus Deus, „ „  
Sancta Maria, \*)  
Sancta Dei Genitrix,

\*) ora pro nobis.

Sancta virgo virginum,  
Mater Christi,  
Mater divinae gratiae,  
Mater purissima,  
Mater castissima,  
Mater inviolata,  
Mater intemerata,  
Mater amabilis,  
Mater admirabilis,  
Mater creatoris,  
Mater salvatoris,  
Virgo prudentissima,  
Virgo veneranda,  
Virgo praedicanda,  
Virgo potens,  
Virgo clemens,  
Speculum justitiae,  
Sedes sapientiae,  
Causa nostrae laetitiae,  
Vas spirituale,  
Vas honorabile,  
Vas insigne devotionis,

Ora pro nobis



Rosa mystica,  
 Turris Davidica,  
 Turris eburnea,  
 Domus aurea,  
 Foederis arca,  
 Janua coeli,  
 Stella matutina,  
 Salus infirmorum,  
 Refugium peccatorum,  
 Consolatrix afflictorum,  
 Auxilium Christianorum,  
 Regina Angelorum,  
 Regina Patriarcharum,  
 Regina Prophetarum,  
 Regina Apostolorum,  
 Regina Martyrum,  
 Regina Confessorum,  
 Regina Virginum,  
 Regina Sanctorum omnium,  
 Regina sine labe concepta,  
 Regina sanctissimi Rosarii,

Ora pro nobis.

Agnus Dei, qui tollis peccata mundi,  
parce nobis, Domine.

Agnus Dei, qui tollis peccata mundi,  
exaudi nos, Domine.

Agnus Dei, qui tollis peccata mundi,  
miserere nobis.

Ora pro nobis, sancta Dei Genitrix,  
Ut digni efficiamur promissionibus  
Christi.

Oremus. Defende, quaesumus,  
Domine, beata Maria Virgine inter-  
cedente, istam ab omni adversitate  
familiam, et toto corde tibi prostra-  
tam ab hostium propitius tuere cle-  
menter insidiis. Per Christum Do-  
minum nostrum. Amen.

Ora pro nobis beatissime Joseph,  
Ut digni efficiamur promissionibus  
Christi.

Oremus. Sanctissimae Genitricis  
tuae Sponsi, quaesumus Domine,

meritis adjuvemur; ut, quod possibilitas nostra non obtinet, ejus nobis intercessione donetur. Qui vivis et regnas cum Deo Patre in unitate Spiritus Sancti Deus per omnia saecula saeculorum. Amen.

Indulgentiae 300 dierum, quotiescunque eas Litanias devote et corde contrito recitaveris. — Indulgentiae plenariae in quinque praecipuis B. M. V. festis, hoc est, Immaculae Conceptionis, Nativitatis, Annuntiationis, Purificationis et Assumptionis, lucrandae ab iis, qui eas Litanias, nullo die intermisso, quotidie recitant. Necesse autem, ut in diebus festis supra notatis confessi et sacra communione refectioni ad consuetos Ecclesiae fines in templo publico orent. Hae indulgentiae applicari queant animabus in Purgatorio detentis.

### **Preces matutinae.**

Pater noster. Ave Maria. Credo. Praecepta Decalogi. Praecepta Ecclesiae. Actus fidei, spei, amoris, doloris.

Poterunt preces tempore, quod in-

tuendis vestibus et lavandis facie ac manibus impendis, dici. Deinde flexis genibus precare:

Domine Deus, omnium creator et gubernator, in quo vivimus, movemur et sumus, sine quo nihil possumus, quaecunque hodie cogitabo, loquar, agam aut patiar, omnia refero ad gloriam tuam et Domini nostri Jesu Christi.

Nunc pergas ad Ecclesiam ad audiendam S. Missam. In Ecclesia devote genuflexus ores:

Ave, verum Corpus, natum  
Ex Maria Virgine,  
Vere passum, immolatum  
In cruce pro homine,  
Cujus latus perforatum  
Vero fluxit sanguine.  
Esto nobis praegustatum,  
Mortis in examine.  
O clemens, o pie,  
O dulcis Jesu, Fili Mariae.

Deinde recites Rosarium. A Dominica  
I. Adventus gaudiosum. A Dominica  
Septuagesimae dolorosum. A Sabbato  
S. gloriosum. Post recitationem Ro-  
sarii sequantur Litaniae B. M. V. Ad  
elevationem interrumpas :

**Adoro te devote**, latens Deitas  
Quae sub his figuris vere latitas  
Tibi se cor meum totum subjicit,  
Quia te contemplans, totum deficit.

Ave Jesu, pastor fidelium,  
Adauge fidem omnium in te cre-  
dentium.

Visus, tactus, gustus in te fallitur,  
Sed auditu solo tuto creditur.  
Credo quidquid dixit Dei Filius,  
Nil hoc verbo Veritatis verius.  
Ave Jesu etc.

(Ad S. Communionem iterum inter-  
rumpe dicens:)

Domine, non sum dignus, ut in-



tres sub tectum meum, sed tantum  
dic verbo, et sanabitur anima mea.

Corpus Domini nostri Jesu Christi  
custodiat animam meam in vitam  
aeternam. Amen.

Inveni quem diligit anima mea.

O sacrum convivium, in quo  
Christus sumitur, recolitur memoria  
passionis ejus, mens impletur gratia,  
et futurae gloriae nobis dignus datur.

---

Pie pelicane, Jesu Domine,  
Me immundum munda tuo sanguine:  
Cujus una stilla salvum facere  
Totum mundum quit ab omni scelere.  
Ave Jesu etc.

---

Omnibus diebus parvum momentum  
impende adorationi SS. Sacramenti in Ec-  
clesia remota et elige orationem unam  
vel alteram ex praecedentibus.

Preces vespertinas nunquam omittas: Pater noster; Ave Maria, Credo. Praecepta Decalogi et Ecclesiae lente recites, dum conscientiam discutis. Deinde actus fidei, spei, amoris, doloris recites, atque litanias B. M. V. Post haec:

In manus tuas, Domine, commendo spiritum meum. Custodi nos, Domine, ut pupillam oculi. Sub umbra alarum tuarum protege nos.

Salva nos, Domine, vigilantes, custodi nos, dormientes, ut vigilemus cum Christo et requiescamus in pace.

Angelé Dei, qui custos es mei, me tibi commissum pietate superna illumina, custodi, rege et gubernas.

Sancte Joseph, sancte Patrone Baptismatis — et Confirmationis — et omnes Sancti Dei intercedite pro me.

Virgo singularis,  
Inter omnes mitis,  
Nos culpis solutos,  
Mites fac et castos.

---

Sub tuum praesidium confugimus,  
sancta Dei Genitrix, nostras depre-  
cationes ne despicias in necessitatibus  
nostris, sed a periculis cunctis libera  
nos semper, Virgo gloriosa et bene-  
dicta.

O Domina nostra, Advocata  
nostra, tuo Filio nos commenda,  
tuo Filio nos reconcilia, tuo Filio  
nos repraesenta.

Cor divinum Jesu et cor im-  
maculatum Mariae semper et ubi-  
que laudentur.

---

Bayerische  
Staatsbibliothek  
München

Cum permissione Ordin. Ep.  
Ratisbonensis.

Ratisbonae.  
Typis Jos. Habel. 1893.





